


Subsidi petrol
bayar masuk
akaun bank
Muka 13



Subsidi petrol bersasar

Bayaran tunai terus masuk akaun bank



Keratan akhbar BH pada 23 April dan 24 Mei lalu.

2 juta penerima BSH miliki kenderaan berdaftar layak dapat bantuan

Oleh Wartawan BH
bhnews@bh.com.my

Kuala Lumpur: Program subsidi petrol bersasar akan dibayar secara tunai terus ke dalam akaun bank penerima yang layak, bukan menggunakan kad subsidi seperti yang dikatakan sebelum ini.

Menurut sumber, penerima adalah mereka dalam senarai penerima Bantuan Sara Hidup (BSH) yang memiliki kenderaan berdaftar dan dua juta layak me-

nerima subsidi itu.

“Menteri Perdagangan Dalam Negeri dan Hal Ehwal Pengguna, Datuk Seri Saifuddin Nasution Ismail, akan mengumumkan butiran penuh mengenainya Isnin ini,” katanya.

Program yang sepatutnya diumumkan pada suku kedua tahun ini seperti dinyatakan sebelum ini mengambil masa kerana beberapa isu.

Antaranya ialah pengumpulan data yang memerlukan penelitian seperti silang semak, data BSH dan data daripada pelbagai agensi serta jabatan berkaitan.

Kementerian Perdagangan Dalam Negeri dan Hal Ehwal Pengguna (KPDNHEP) selesai membuat kajian dan libat urus dengan pemegang taruh, syarikat pembekal petrol, syarikat kewangan serta pertubuhan bukan kerajaan (NGO)

berkaitan kepenggunaan.

Belanjawan 2019 yang dibentangkan Menteri Kewangan, Lim Guan Eng, pada November tahun lalu menyatakan pemilik kereta berkapasiti enjin 1,500cc dan motosikal berkapasiti enjin 125cc akan menikmati subsidi petrol RON95 sebanyak 30 sen seliter.

Menerusi mekanisme subsidi itu, pemilik kereta akan menerima subsidi petrol RON95 terhadap kepada 100 liter bagi pemilik kereta dan 40 liter bagi motosikal.

Guan Eng dilaporkan berkata, mekanisme baharu itu bermula pada suku kedua 2019.

Bagaimanapun, pada Julai lalu, Saifuddin dilaporkan berkata, jadual pelaksanaan kaedah itu sedikit tersasar kerana mekanisme lengkap subsidi perlu mendapat kelulusan Kabinet.

Jumaat, 4 Oktober 2019 | 5:38pm



MENTERI Perdagangan Dalam Negeri dan Hal Ehwal Pengguna, Datuk Seri Saifuddin Nasution Ismail.

Subsidi petrol bersasar terus ke akaun

Oleh Wartawan BH
bhnews@bh.com.my

KUALA LUMPUR: Program subsidi petrol bersasar akan dibayar secara tunai terus ke dalam akaun bank penerima yang layak, bukan menggunakan kad subsidi seperti yang dikatakan sebelum ini.

Menurut sumber, penerima adalah mereka dalam senarai penerima Bantuan Sara Hidup (BSH) yang memiliki kenderaan berdaftar dan kira-kira dua juta orang layak menerima subsidi berkenaan.

"Menteri Perdagangan Dalam Negeri dan Hal Ehwal Pengguna, Datuk Seri Saifuddin Nasution Ismail, akan mengumumkan butiran penuh mengenainya Isnin ini," katanya.

Program yang sepatutnya diumumkan pada suku kedua tahun ini seperti dinyatakan sebelum ini mengambil masa kerana beberapa isu.

Antaranya ialah pengumpulan data yang memerlukan penelitian seperti silang semak, data BSH dan data daripada pelbagai agensi serta jabatan berkaitan.

Kementerian Perdagangan Dalam Negeri dan Hal Ehwal Pengguna (KPDNHEP) selesai membuat kajian dan libat urus dengan pemegang taruh, syarikat pembekal petrol, syarikat kewangan serta pertubuhan bukan kerajaan (NGO) berkaitan kepenggunaan.

Belanjawan 2019 yang dibentangkan Menteri Kewangan, Lim Guan Eng, pada November tahun lalu menyatakan pemilik kereta berkapasiti enjin 1,500cc dan motosikal berkapasiti enjin 125cc akan menikmati subsidi petrol RON95 sebanyak 30 sen seliter.

Menerusi mekanisme subsidi itu, pemilik kereta akan menerima subsidi petrol RON95 terhad kepada 100 liter bagi pemilik kereta dan 40 liter bagi motosikal.

Guan Eng dilaporkan berkata, mekanisme baharu itu bermula pada suku kedua 2019.

Bagaimanapun, pada Julai lalu, Saifuddin dilaporkan berkata, jadual pelaksanaan kaedah itu sedikit tersasar kerana mekanisme lengkap subsidi terbabit perlu mendapatkan kelulusan Kabinet.

Setakat September lalu, seramai 3.9 juta isi rumah menerima BSH tahun ini membabitkan peruntukan RM4.2 bilion yang disalurkan menerusi beberapa fasa.

